

INTERDISCIPLINARNI MASTER STUDIJ ZAŠTITA OD PRIRODNIH KATASTROFA

O STUDIJU

Studijski program **Zaštita od prirodnih katastrofa** je interdisciplinarni akademski master studij, razvijen kroz Erasmus+ projekat izgradnje kapaciteta u visokom obrazovanju **Razvoj master kurikulumu za upravljanje rizicima od prirodnih katastrofa u zemljama Zapadnog Balkana (NatRisk)**.

Koordinator *NatRisk* projekta je Univerzitet u Nišu, a Partnerske institucije iz zemalja Zapadnog Balkana su :

- Univerzitet odbrane u Nišu,
- Univerzitet u Prištini sa sjedištem u Kosovskoj Mitrovici,
- Univerzitet u Sarajevu,
- Kriminalističko-policijska akademija u Beogradu, RS
- Fakultet bezbjednosnih studija, Univerzitet u Banja Luci
- Visoka tehnička škola strukovnih studija iz Uroševca sa sjedištem u Leposaviću.

Partnerske institucije iz zemalja Europske Unije su:

- University of Natural Resources and Life Sciences, Vienna (Austrija),
- Middlesex University Higher Education Corporation (Velika Britanija),
- University of Messina (Italija),
- Óbuda University (Mađarska),
- Technical University of Crete, Chania (Grčka),

Pridružena članica

- Republički hidrometeorološki zavod Srbije

CILJ STUDIJA

Svrha ovog studijskog programa je obrazovanje magistara zaštite od prirodnih katastrofa u skladu sa potrebama društva i njihovo akademsko usavršavanje u skladu sa savremenim zahtjevima upravljanja rizicima od prirodnih katastrofa. Studijski program je koncipiran tako da obezbjeđuje sticanje kompetencija i razvoj akademskih vještina iz oblasti upravljanja rizicima od prirodnih katastrofa. Opći cilj projekta je obrazovanje eksperata za prevenciju i upravljanje prirodnim katastrofama u regionu Zapadnog Balkana na osnovu nacionalnih i politika Europske Unije.

STRUKTURA I TRAJANJE STUDIJA

Master studijski program “*Zaštita od prirodnih katastrofa*” je koncipiran kao jednogodišnji, te je tako prilagođen za kandidate koji su tokom prvog ciklusa studija ostvarili najmanje 240 ECTS. Jednogodišnji studij traje dva semestra (60 ECTS), i predviđa 3 obavezna predmeta i tri izborna, te izradu završnog rada. Nastava se odvija samo u jednom semestru, dok je ljetni semestar predviđen za aktivnu izradu završnog rada. Jednogodišnji studij se izvodi na jednom od jezika naroda BiH.

DIPLOMA I AKADEMSKA TITULA

stiće akademski naziv *magistar zaštite od prirodnih katastrofa*.

ŠKOLARINA

Implementacija master studija “*Zaštita od prirodnih katastrofa*” za prvu generaciju polaznika će biti realizovana kroz Erasmus+ projekat izgradnje kapaciteta u visokom obrazovanju “*Razvoj master kurikuluma za upravljanje rizicima od prirodnih katastrofa u zemljama Zapadnog Balkana (NatRisk)*”.

Studij je stoga besplatan za prvu generaciju polaznika sa krajnjim ciljem osiguranja samoodrživosti studijskog programa na komercijalnoj osnovi za naredne generacije polaznika.

USLOVI ZA UPIS

Na master studij se mogu upisati svi kandidati (sa BH državljanstvom i iz inostranstva) pod istim uvjetima, a koji imaju završen I ciklus studija u trajanju od najmanje četiri godine, odnosno koji se vrednuje sa najmanje 240 ECTS ili imaju završen I i II ciklus studija u trajanju od 3+2 godine, odnosno koji se vrednuje sa najmanje 300 ECTS kao i kandidati koji su završili studij po predbolonjskim nastavnim planovima i programima.

Utvrđivanje jedinstvene rang-liste svih prijavljenih kandidata vršit će se na osnovu prosječne ocjene koju su kandidati ostvarili u toku prvog i/ili prvog i drugog ciklusa studija, odnosno nakon završetka studija po predbolonjskim nastavnim planovima i programima (Pravila studiranja II ciklusa na Univerzitetu u Sarajevu, član 6).

Potrebno je poznavanje engleskog jezika na nivou koji omogućava komunikaciju, praćenje naučne literature, pisanje naučnih radova (certifikat o poznavanju engleskog jezika, nivo B2).

NAČIN PRIJAVE

Službeni poziv za prijave i dostavljanje dokumentacije objavljen je 8. juna 2018. godine u skladu sa akademskim kalendarom Univerziteta u Sarajevu i ostaje otvoren do 28. septembra 2018. godine. Prijava na master studij može se izvršiti ispunjavanjem online formulara ispod, i predajom dokumenata u Centru za interdisciplinarne studije najkasnije do 28.9. 2018. godine.

ONLINE PRIJAVA

DOKUMENTI ZA UPIS

Uz prijavu (zahtjev) za upis na studij, i online prijavu, kandidati/kinje prilažu:

- Originalnu diplomu i dodatak diplomi (za studente koji su završili Bolonjski studij) o prethodno završenom studiju, odnosno nostrificirana diploma za kandidate/kinje koji/e prethodni studij nisu završili/e u Bosni i Hercegovini (studenti/ce Univerziteta u Sarajevu koji su završili/e prvi ciklus studija mogu, do izdavanja diplome i dodatka diplomi, predati uvjerenje o završenom studiju ukoliko se promocija i dodjela diploma vrši nakon završetka roka predviđenog za dostavljanje prijave za upis po ovom konkursu), ili ovjerena kopija originala diplome, dodatka diplomi ili nostrificirane diplome
- Uvjerenje o položenim ispitima (original ili ovjerena kopija)
- CV
- Dokument koji potvrđuje aktivno znanje engleskog jezika
- Izvod iz matične knjige rođenih
- Uvjerenje o državljanstvu
- Druge dokumente relevantne za utvrđivanje broja bodova po kriterijima

DETALJNE INFORMACIJE MOŽETE PRONAĆI ISPOD:

[ZASTITA OD PRIRODNIH KATASTROFA_ BROSURA 2018.](#)

[Raspored_NatRisk_I semestar 2018/2019](#)

KONTAKT OSOBE

Prof. dr Emina Hadžić dipl. inž. građ

e-mail: emina_hadzic@gf.unsa.ba

Nina Dragičević, stručna saradnica

e-mail: nina.karac@cis.unsa.ba

Novosti

Poziv za učešće u projektu SBF START-UP CHALLENGE

27 DECEMBRA 2018

Konkurs za posao u CIS-u: Stručni saradnik za edukativne programe-ERMA program

21 DECEMBRA 2018

Gostovanje doc. dr. Valerije Barade u CIS-u

18 DECEMBRA 2018

Konkurs za stipendiranje studenata u okviru projekta NatRisk

7 DECEMBRA 2018

Studenti o aktuelnim pitanjima evropskih integracija

1 DECEMBRA 2018

ERMA Alumni Network

Global Campus of Human Rights



UNIVERZITET U SARAJEVU
CIS Centar za
interdisciplinarne
studije

Univerzitet u Sarajevu,
Centar za interdisciplinarne studije

📍 Zmaja od Bosne 8,
71 000 Sarajevo, BiH

☎ +387 33 668 685

✉ cis@cis.unsa.ba



© 2019 Univerzitet Sarajevo. Sva prava zadržana.